



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Petri De Dusburg, Ordinis Teutonici Sacerdotis, Chronicon  
Prussiae**

**Petrus <de Dusburg>**

**Francofurti ; Lipsiae ; Regiom. Pruss., 1679**

Cap. CCCXI. De Destructione navis hujus.

**urn:nbn:de:hbz:466:1-11850**

officio præfuit, cum Hospitalarius esset factus. Similiter Wilhelmus Comes ab Eisenberg sub Johanne à Tieffen fuit magnus Commendator: at tempore Friderici Ducis Saxonie idem factus est Marschalcus Ordinis. *Vid. Grun. Tract. 18. cap. 3. 5. 11. & Tract. 19. cap. 1.*

## CAP. CCCX.

De

*Quadam nave bellica facta.*

Posthæc frater Wernerus (a) Commendator de Raganita fecit sibi ædificare navem bellicam cum mœniis & plures naves alias. Cum quibus dum venisset ad impugnandum castrum (b) Junigedam, ventus validus irruens in navem, violenter dejecit eam ad littus; quo viso castrenses armatâ manu invaserunt navem: Fratribus & armigeris in ea existentibus ex adverso viriliter se defendentibus. In qua pugna Lethovini plures interfecti fuerunt & lethaliter vulnerati. Et sic fratres evaserunt.

## ANIMADVERSIONES.

(a) Wernerum ab Urseln Marschalcum Ordinis fuisse scribit Grunovius *Tract. XI. c. V.* cum eandem historiam recenset.

(b) Bischonadam vocat Grunovius *loc. cit.* ubi ea de re sic loquitur: Und er fuhr das Flasz Mümmel auff/und kam ins fließ Wagzigra/auff welchem man zwischen Littawen und Samayten komtda ein sehr gut stück Landes war / und von den Wassern unverseret / und da liegt an einem grossen tieffen See die mächtige Stadt Bischonada / & sic etiam urbem hanc postea aliquoties nominat.

## CAP. CCCXI.

De

*De destructione navis hujus.*

Rex

**R**ex Lethovinorum auditâ famâ navis hujus, turbatus est, & omnis Lethovvia cum eo, & post multa consilia variosque tractatus habitos pro destructione ipsius, tandem misit nobilem virum & bellicosum Surminum, cum centum navibus, in quibus erant sexcenti viri & amplius, & centum equites, qui dum navem impugnarent, IV. Sagittarii de intus qui ad defensionem ejus deputati fuerant, viliter defenderunt. Tandem præciso fune, quo ligata fuit, descendit navis Memelam & descendendo fortiter impugnaverunt, sic quod multis Lethovvinis vulneratis & (a) Scoldone, germano dicti Surmini, occiso, navem ceperunt & interfectis IV. Sagittariis in cinerem redegerunt.

ANIMADVERSIO.

(a) Stryikovski legit Stoldon, & putat fuisse Gastoldum, quæ familia postea apud Lithvanos fuit celeberrima.

CAP. CCCXII.

De

*Combustione præurbiorum castri*

*Bisene.*

**H**oc anno in autumno frater Henricus Marschalcus cum fratribus & viris de Sambia & Nattangia impugnavit castrum Bisenam, & post longam impugnationem, diversis utriusque partis vulneratis, ambo ipsius, suburbia ignis incendio devastavit.

CAP. CCCXIII.

De

*Deprædatione territorii Medenike.*

**A**nnò Dn. MCCCXIV. | *Anno Domini MCCCXIV. Kalendis Martii*  
 post circumcisio- | *apud Carpentrasium, ubi tunc curia Romana*  
 nem | *Bbb 2 fuit*